



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Distritu Bobonaro

15 Dezembru 2015

Suku Odomou Distritu Bobonaro apresia ho prezensa JSMP hodi fahe informasau Legál

Iha 11 Novembru 2015, Judicial System Monitoring Program (JSMP) liu husi Unidade Relasaun Públiku no Unidade Justisa ba Feto no Labarik (WCJU) realiza treinamentu ba lideransa komunitáriu sira iha Suku Odomau, Sub-distritu Maliana, Distritu Bobonaro.

Partisipantes ne'ebé tuir treinamentu hamutuk ema nain 30, feto 19 no mane 11, kompostu husi representa husi xefe suku, lia-nain, xefe Aldeia, representante feto rua, joventude feto no comunidade suku Odomau.

Materia ne'ebé diskute no apresenta maka hanesan prinsipiu sira kona-ba direitu umanu, lei aplikavel sira iha Timor Lesta, kna'ar no papél instituisaun judisiária sira, natureza krime no Lei Kontra Violénsia Doméstika. Alende ne'e divulga mós informasaun kona-ba forma sira husi krime violénsia doméstika, violasaun seksuál no oinsá atu hetan assisténsia.

“JSMP fiar katak liu husi treinamentu ida ne'e comunidade suku Odomau iha kuiñesementu adekuadu ba sira nia direitu no asesu ba justisa hodi defende sira nia direitu no interese tuir lei”, dehan Luis de Oliveira Sampaio Diretór Ezekutivu JSMP.

Iha abertura nomós enseramentu Xefe Suku Odomau, Sr. Cirilo Moniz haktuir katak trenamentu ida ne'e importante ba comunidade atu hatene oinsa bele prosesu sira nia kazu tuir dalan justisa formal kuandu infrenta problema. Aliende ne'e xefe suku mós hatutan tan katak treinamentu ne'e parte ida atu hasae no aumenta kuiñesementu konsellu suku sira no relasaun ho kompetensia rezulusaun ba krime ne'ebé lei atribui ba sira no oinsa prevene krime iha sira nia comunidade.

Iha enseramentu xefe suku agradese tebes ba ekipa JSMP tanbá bele fahe informasaun hirak ne'e ba comunidade no xefe suku iha esperansa katak comunidade hatene ona sira nia direitu no hatene ona oinsa lori sira nia problema ba sistema justisa formal no tradisionál kuandu sira infrenta problema.

Rua setubal, Colmera, Dili Timor Leste

PoBox: 275

Telefone: 3323883 |77295795

www.jsmp.tl

info@jsmp.minihub.org

Facebook: www.facebook.com/timorleste.jsmp

Twitter: @JSMPtl

Iha treinamentu ne'e, partisipantes sira diskute kona-bá problema alimentasaun ba oan sira no krime violénsia domestika. JSMP hato'o ba partisipante sira katak ba kazu alimentasaun, lideransa komunitáriu sira bele rezolve tuir pedidu husi inan ho aman, maibé tenke aseguira katak direitu labarik nian ba alimentasaun mak importante liu nuda'ar obrigasaun husi inan ho aman.

Enkuantu problema kona-bá violénsia doméstika, JSMP enkoraza Konsellu Suku sira iha obrigasaun halo prevensaun ba problema no fasilita vítima ba apresenta ba polísia ka ministériu públiku atu prosesu tuir sistema justisa formál.

Iha treinamentu ne'e partisipante hotu iha interese boot atu aprende no rona ho diak bainhira fasilitador sira apresenta matéria. Ne'e hatudu katak sira konsidera informasaun sira ne'e importante ba sira.

Treinamentu ne'e raliza tanbá hetan apoia finanseiru husi Embaxada Finland-Indonezia.

Atu hetan informasaun kompleitu bele kontaktu ba:

Luis de Oliveira Sampaio
Diretór Ezekutivu JSMP
Diresaun e-mail: luis@jsmp.minihub.org